

**Педагогикалық әдеп жөніндегі кеңес отырысының
№ 2 хаттамасы**

« 5 » 07 2024ж.

Қатысқандар:

Кеңес мүшелері:

И.Б.Мустафина- кеңес төрағасы
Э.О.Біржікен- кеңес хатшысы
З.Б.Аспандиярова- кеңес мүшесі
Г.И.Жайлыбаева- кеңес мүшесі
Е.Р.Кирбасов –кеңес мүшесі

Күн тәртібінде

1. Сыбайлас жемқорлыққа қарсы іс-шараларға педагогтерді тарту
- 2.Педагог және ата-ана арасындағы әдеп

Күн тәртібіндегі бірінші мәселе бойынша педагогикалық әдеп кеңес мүшесі биология пәнінің мұғалімі З.Б.Аспандиярова тыңдалды.

Сыбайлас жемқорлыққа қарсы іс-шаралар мектебімізде жиі ұйымдастырылып тұрады. Аталған іс-шара педагогтерге өз жұмысына адал болуға, сыбайлас жемқорлыққа жол бермеуге септігін тигізері анық. Мектеп педагогтерімен ҚР «Сыбайлас жемқорлыққа қарсы іс-қимыл туралы» Заңының баптары түсіндіріліп, «адалдық», «адалдық құндылықтары» терминдерінің мағыналары ашылды. Педагогтер қоғамдық мүдделер жеке мүдделерден жоғары болуы керек, әдептілік пен адалдықтың жоқтығы (әсіресе параға бейімділік), әділетсіз басымдылыққа жету үшін қызметтік жағдайын пайдалану сыбайластық тудырады деген түсінікке назар аударды.

Сыбайлас жемқорлыққа қарсы іс-шараларды педагогтерді тарту арқылы жиі ұйымдастыру қажет деп ойлаймын. Адалдық сағаттары, түсіндірме жұмыстары, жауапкершілік жайлы үнемі айтылуы дұрыс. Сыбайлас жемқорлықты болдырма, алдын-алу шараларын ұйымдастыру арқылы Отан алдындағы қызмет, адамгершілік, адалдық тәрізді құндылықтарды бойға сіңіртуіміз қажет. Ақша жинау, түрлі іс-шараларға ақшалай қосылу тәрізді тыйым салынған, жемқорлыққа итермелейтін әрекеттерді мектеп әкімшілігі бұйрық арқылы бекітеді. Сол себепті сыбайлас жемқорлыққа қарсы і-шараларды баршамыз бірге атқарып, адал қоғамда қызмет атқаруға барымзды салайық.

Сөз сөйледі:

Е.Р.Кирбасов:

Осы орайда жас мамандарымызға да алдын-алу шарасы ретінде түсіндірме жұмыстарын жүргізе кеткеніміз өте дұрыс шешім деп ойлаймын. Сыбайлас жемқорлықты болдырмау мақсатында түрлі іс-шараларға педагогтерді жиі тарту арқылы ұйымдастыру өте тиімді деп ойлаймын. Жемқорлыққа қарсы мәдениетті қалыптастыруда аталған іс-шаралардың маңызы зор.

Г.И.Жайлыбаева:

Ұстаз әрқашан ұстаз қалпында қалуы қажет, Сол себепті де жоғарыда айтылған әріптестер сөзіне толықтай қосыламын. Педагогикалық әдеп – мұғалім әрбір нақты жағдайда оқушыларға тәрбиелік әсер етудің бірден-бір тиімді құралын қолданатын арнайы педагогикалық іскерлік. Осы жолда адал қызмет ете білу ол үлкен абырой. Кез-келген өркениетті қоғам үшін сыбайлас жемқорлықпен күрес ең өзекті мәселелердің бірі болып табылады. Сыбайлас жемқорлық мемлекетті ішінен жоюдың бастамасы мен жетістіктерді жоққа шығаратын, ұлттық қауіпсіздікке қауіп-қатер әкелетіндігі күмәнсіз. Сондықтан да Қазақстан Республикасының мемлекеттік саясатының негізгі басымдылықтарының бірі болып осы зұлымдықпен күресу болып табылады.

Сол себепті сыбайлас жемқорлықтың алдын-алу үшін барлығымыз біріге жұмыс жасауға шақырамын.

Қаулы етті:

Сыбайлас жемқорлыққа қарсы іс-шараларға педагогтер үнемі тартылсын.

Күн тәртібіндегі екінші мәселе бойынша педагогикалық кеңес төрағасы И.Б.Мустафина тыңдалды:

«Мұғалімге керегі тек білім ғана емес, сондай-ақ сөйлеу шеберлігі, яғни кәсібилік, біліктілік, білімділікпен қатар, сол бар ілім-білімін жеткізе алатын сөйлеу шешендігі, кәсіби шешендік», — деген А.Байтұрсыновтың сөзі де педагогтің жұмысы барысындағы сөйлеудің, жай ғана сөйлеу емес, шебер шешен сөйлеудің қаншалықты маңызды екендігін аша түседі.

Педагог және ата-ана арасындағы әдеп ең басты скрақтың бірі болып табылады.

Педагогикалық әдептің ерекшеліктері: ұстаздың кәсіби мінез-құлығындағы, іс-әрекетіндегі өлшем, ықпал етудегі және өзара әрекеттесудегі әдістерді, түрлерді, тәсілдерді таңдау өлшемі болып табылады. Әдептілік - педагогтың мінез-құлығындағы ерекшелікке айналу керек деп ойлаймын. Осылайша, педагогикалық әдепті үнемі қамтамасыз ету арқылы, педагог өз мәртебесін сай бола алады. Ата-аналармен жұмыс барысында педагогикалық

әдептен аспау қажет. Түрлі көзқарастағы ата-ана болуы мүмкін, бірақ педагог көзқарасы үнемі бірқалыпты, сабырлы болуы қажет.

Сөз сөйледі:

Е.Р.Кирбасов:


Сөйлеу мәдениетін игеру – болашақ педагог мамандардың кәсіби құзыреттілігі. Бұл жерде тілдік қатынас өзара пікір алысу, түсінісу, сөйлесу деген ұғымдардан гөрі тереңірек тілдік қатынас үстіндегі әдеп нормаларының ауызша және жазбаша формаларын меңгеру, дұрыс қатынас жасауға қол жеткізетін тілдік құралдарды тиімді пайдалана білу мағынасын қамтиды. Осындай құзіреттілікті меңгерту – болашақ педагог-мамандардың кәсіби шеберлігінің сипаттамасы.

Г.И.Жайлыбаева:

Педагог сөйлеу мәдениетін сақтана отырып, педагогикалық әдепті үнемі сақтап жүруі керек. Әдеп сақтай отырып, жан-жағын қоршаған ортаға үлгі болары анық. Сол себепті ата-анамен жұмыс барысында ең алдымен әдеп бірінші орында болуы қажет. Педагогтің сөйлеген сөзіне, іс-әрекетіне қарай ата-ана да оң көзқарасын білдіреді.


Қаулы етті: педагогикалық әдеп және сөйлеу мәдениетін артыру үшін іс-шаралар жиі өткізілсін

Хатшы:



Э.О.Біржікен

Төраға:



И.Б.Мустафина

Нөмірленген және баумен байланған
2 (үш) бет
Педагогикалық әлеп кенес інін төрағасы
Күсмағұмова